



Биринчи жаҳон уруши тугаганидан сўнг Шарк дунёсида миллий озодлик ва мустакиллик учун курашлар авж олди. Маълумки, Туркия (Усмонийлар салтанати) Германия томонидан уруш харакатларига кириб, Учлар иттифоки енгилганидан сўнг ўз миллий бирлигини йўқотиш хавфи остида колди. Хатто мамлакат пойтахти Истамбулни Англия эгаллаб олди. 1918 йил охиридан Туркиядаги озодлик курашига туркий халкларнинг буюк фарзанди Мустафо Камол Пошо бошчилик килиб, 1920-1923 йилларда у тузган «Анкара муваккат хукумати» мустамлакачиларни (асосан Англия ва Италия харбий кучлари) она-Ватан тупрогидан хайдаб чикарди.

Туркияда сиёсий вокеалар кескин кечаетган бир даврда БХСР (1920-1924) ўзининг фаол ички ва ташки сиёсатини юритаётган эди. Бухоро Республикасининг истикболли режасида хорижий мамлакатлар билан дўстона дипломатик, иктисодий, маданий хамкорликни йўлга кўйиш ва ривожлантириш масаласига алоҳида эътибор каратилди. Аввало, асрий-анъанавий алокаларда бўлган Туркия билан хамкорлик муносабатларига киришилди. Умуман XX аср бошларида Туркия «ёш турклари» билан Бухоро жадидлари ўртасида дўстона, маърифий-маданий алокалар ўрнатилганди. Бухоролик жадидлар Туркияда нашр килинган «Сиратул мустаким» («Тўгри йўл») журналини ўкиб борган. Үндаги маколаларда кўтарилган масалалар омма орасида кенг тарғиб килинган. Буюк адаб Садриддин Айний (1878-1954 йиллар) ушбу журнални ўкиб «парламент» атамасининг мохиятини англағани хакида фикр билдирганди. Узок вакт Европа мамлакатлари ва Туркияда яшаган асли бухоролик кейинчалик сибирлик ўзбек бўлиб колган Абдурашид Абдураҳим жадидчилик харакатида биринчи марта миллий, маданий, сиёсий мустакиллик масаласини кун тартибиға кўйганди. Бухоро жадидларидан Абдурауф Фитрат, Абдулвоҳид Мунзим, Ҳамидхўжа Мехри, У. Пўлатхўжаевлар 1908-1910 йилларда Туркияга тахсил олиш учун боришган эди. 1910 йилда Туркияда А. Фитратнинг (1886-1938 йиллар) «Сайха» шеърий тўплами, «Мунозара» ва «Хинд сайёхи» каби фалсафий асарлари ёзилганди. «Мухтасари тарихи ислом» («Исломнинг кискача тарихи») китоби хам ушбу мамлакатда дунё юзини кўрганди. А.Фитрат асарларининг асосий гояси-Туркистон хозир тургунликда, Оврўпага эргашиб иктиносидий ислохотлар ўтказиши керак, ундан намуна олиши керак. «Туркистонликлар биринчи жаҳон уруши йиллари арафасида ва уруш даврида Туркияга кардошлиқ ёрдамини кўрсатиш максадида маблаг хам тўплаганлар.. 1913 йил 13 апрелда 28000 сўм микдорида Туркия учун «Хайрия» тўпланади»-деб ёзилади манбалардан бирида.

Янги тарихий вазиятда, хакикатдан хам БХСР ташкил топган 1920 йилда Туркия сиёсий хаётида истиклол учун кураш авж олганди. Туркий халкларнинг асл ватани бўлган Туркистонда Туркиядаги тарихий жараёнларни эътибор билан кузатиб бориш, туркларни имкон кадар маънавий-моддий жихатдан кўллаб-кувватлаш йўлини танланиши табиий хол эди. Юкорида кайд килинганидек, биринчи жаҳон урушидан маглуб бўлиб чиккан Туркия 1920 йил 10 августда Париж якинидаги Севр шахарчасида Антанта давлатлари билан имзолangan шартномага кўра, амалда ярим мустамлакага айлантирилди. Франция ва Англия ўртасида таксимланган Усмонийлар салтанати факатгина Кичик Осиё ярим ороли хамда Истамбул билан чекланишга мажбур бўлди. Истамбул инглиз истилочилари томонидан эгалланиб, прогрессив кучлар Анкарада Мустафо Камол раислигида «Янги Анкара муваккат хукумати»ни тузиб озодлик ва мустакиллик учун кураш майдонига кирадилар. Антанта давлатлари, айникса, Англияning кўллаб-кувватлаши билан юононлар «Буюк Греция» давлатини тузиш байроги остида турклар шахри Измирни истило киладилар.

Хаёт – мамот жангига кирган «Анкара хукумати» ва унинг йулбошчиси Мустафо Камол хакида «Бухоро ахбори»: «1921 йил 16 июля турклар Мустафо Камол пошо бошчилигида бутун фронт буйича юононларга карши катъий ва умумий харакатлар бошлагонлар. Шул вактда турклар душмоннинг 3-4 баробар кўп бўлгон кучларига карши катъият билан курашиб, улар хужумини тўхтатурлар. Яшасин ўзларининг каҳрамонлик ва гайратлари оркасинда Европа таҳликасига (Юононистон ва Англияга) карши туриб гарб майдонида умумий галаба козониб, ўз ватанларини мудофаа килгон турк аскарлари!» деб ёзганди.

Туркия ва юонон урушлари икки йил (1920-1922) давом этиб, 1922 йил 9 сентябрь Муддания жангига турклар хал килувчи галабага эришди ва Измирдан юононларни хайдаб чикарди. «Анкара хукумати» кўшинлари Мустафо Камол пошо раҳбарлигида турк шахарлари хисобланган Бурса, Ардахон, Игдир, Эскишахарларни хам эгалладилар.

Туркларнинг адолатли урушдаги муваффакияти хакида: «Нихоят турклар ўз озодликлари йўлида харакат килиб, зарба бердилар. Ўзларининг озодлиги учун бутун ислом дунёси Англия ва унинг мамлакатлари билан мукаддас урушга киришдилар.

Турклар озодлик байрогини баланд кўтариб, ўз истиклолларини кўлга киритмишлар» - деб ёзилади маълумотлардан бирида.

«Анкара хукумати»нинг озодлик учун кураши Бухорода мухим диккат марказда бўлган. Туркия хукумати 1921 йил 16 марта РСФСР билан дипломатик ва хамкорлик шартномасини имзолайди. Совет хукуматининг мутассадилари В. И. Ленин, Чичерин, Карабанлардан Мустафо Камол пошонинг Москвадаги вакили Бекир Самибей молиявий ёрдам сўрайди. Совет даври тарихий адабиётларида 1920 йил сентябрдан 1922 йил май ойига кадар Совет хукумати учун оғир ва машаккатли йиллар бўлиб, Мустафо Камол хукуматига БХСР хукуматида аввал молия нозири, кейин эса Марказий Ижроия Кўмита Раиси лавозимида ишлаган Усмонхўжа Пўлатхўжаев (1878-1986 йиллар) шахсий жамгармасидан 100 млн. олтин маблаг билан моддий ёрдам кўрсатган. Ушбу маблагнинг асосий кисми Москвада саклаб колиниб, 10|1 улушигина Онатўли (Туркияга) юборилган.

Турк тарихчи олимлардан Мехмет Сарой 1990 йилда Истамбулда чоп эттирган «Отатуркнинг совет сиёсати» номли китобида: «Советларнинг Туркияга ёрдами тўлиқ бўлмасада, аммо ўша пайтда миллий озодлик харакати галабасида мухим роль ўйнаган»-деб ёзади. Усмонхўжа Пўлатхўжаев мухожирликка кетганидан сўнг 1922-1923 йилларда Мустафо Камол пошо билан мулокотда бўлган. Туркияning бўлажак

президенти унга ўз хукумати органларида ишлашни таклиф этган.

У. Пўлатхўжаев унга Туркистон тарихи, маданияти кўлёзма асарларини тадқик килиш масалалари билан шугулланишини айтган. Шундан кейин Туркия хукумати томонидан ватандошимизга Мустафо Камол бўйруги билан умрининг охиригача катта микдорда нафака тайинланади. У. Пўлатхўжаев вафотидан кейин бу нафака турмуш ўртогига бериб турилган.

Бухоро халки турк-юнон уруши майдонида турклар кўли баланд келганлиги муносабатила шодлик ва хурсандчилик билан 1922 йил 12 октябрда митинг ва намойишлар ўтказган. Уларда давлат раҳбарлари, ислом пешволари, оддий меҳнаткаш ахоли, мактаб ўқувчилари ва мадраса талabalari иштирок килишган. Турк шахидларининг руҳига хатми Куръон килиниб, мотамона куйлар чалинган. Бу тадбирларда БХСР Халк Нозирлар Шўроси муваккат раиси Ато Хўжа, БХСР Марказий Ижроия Кўмитаси раисининг биринчи муовини Аминов, маориф нозири Кори Йўлдош Пўлатов, хатто, Россиянинг Бухородаги вакили Фонштейн хам нутк сўзлаган. Ўша куни кечга якин митингда иштирок килганлар. Бухоро халқидан Туркия хукумати номига табрик телеграммаси тайёрлаб юборишади. Телеграммадан: «Душмонни тор-мор килиб буюк майдон мухорабадаги Туркияning матлубини хал этиб, ушбу порлок тарихий галабангизни, уч миллион нуфузинда бўлгон ва икки йилдан буён сизни жаҳонгир сармоядорларни енгишингизни тилогон Бухоро халки номидан самимийликдан табрик этадур, олкишларла ушбу шодлигингизга шерик бўламиз. Сизнинг галабангиз муносабати билан бутун Бухоро ахолиси ва инкилобий шўролар хукумати 12 октябрда ўзининг маъмурлари, зиёлилари, талabalari билан буюк бир митинг тартибила ўтказди. Ахолимизнинг руҳли шодлиги максади илиа Бухоронинг «Масжиди Калони»да хатми Куръон ўқилиб, шахидларнинг руҳига хадя этди.

БХШЖ туркларнинг порлок натижаларини, Истамбул хукумати катъиятингизни бутун хаяжон ва интизор этмакдадур.

Яшасин туркларнинг галабаси!

Каҳр ўлсун, маглуб ўлсун, гарбнинг сарватдор жаҳонгирлари!» каби сатрларни ўқиймиз. Икки хукумат ўртасидаги дипломатик алокалар эса анча олдинроқ, 1920 йилнинг кишидаёк бошланган эди. Бу йўналишда ташабbus «Анкара муваккат хукумати» томонидан бошланиб, 1920 йил БХСР хукумати ташкил топганидан 4 ой ўтар-ўтмас М. Камолнинг хукумати БХСРга биринчи бўлиб ўзининг элчиларини юборади. Бухорода биринчи бўлиб хорижий мамлакатлардан Туркия элчихонаси иш бошлайди. Мустафо Камол юборган Туркия элчилари гурухига Голиб пошо бошчилик килган. Анкара хукуматининг Бухоро Республикасидаги элчихонаси биринчи котиби, таникли турк ёзувчиси Рушен Ашраф бўлганди

1922 йилнинг март ойида Бухоро Республикасидан Мустафо Камол пошо хукуматини расмий суратда таниш ва ўзаро муносабатлар ўрнатиш учун Махмуд Назар хамда Махмуд Ражаб афандилар бошчилигига буҳоролик вакиллар Анкарага ташриф буюришади.

Бухоро хайъатини расмий суратда «Муваккат Анкара хукумати» ташки ишлар вазирининг муовини Зиёдбек хамда хорижий ишлар вакили Юсуф Камолбеклар кутиб оладилар. Турк тарихчиси Мехмет Саройнинг маълумотича, Махмуд Назар хамда Махмуд Ражаблар бир пайтлар Истамбулда тахсил олишган. Мехмет Саройнинг ёзишича, улар элчилик вазифасини уddyалаб, ортга кайтганларида рус айгокчилари (большевиклар) томонидан хоинона ўлдирилганлар.

БХСРнинг фавкулотда сиёсий вакиллари шарафига зиёфат уюштирилиб, унда Мустафо

Камол пошо хам шахсан иштирок этган. «Бухоро ахбори» газетасида Туркия хукумати бошлиги Мустафо Камол хамда Бухоро вакили Махмуд Назар афанди нутклари тўла холда келтирилган. Мустафо Камол нуткида: «Диндош ва кондош Бухоро халкининг орзусини юзага чикариши учун бу кардош миллатга ўзимнинг фотихамни бераман»,-деган фикри баён килинган.

Бухоро хайъати вакиллари Мустафо Камол пошога хурмат ва эҳтиром рамзи сифатида юртимиздан олиб борилган олтин дастали килич, Амир Темур замонида кўчирилган Куръони Каримнинг нодир нусхаларидан бирини, хамда Туркия халк аскарлари учун Бухоро тасвири туширилган нишонлар тақдим этади.

Хозир ушбу буюмлар Туркия Буюк миллат мажлиси (парламенти) биносидаги музейнинг асори-атикалари каторидан жой олган.

Туркияда озодлик йўлида турк зобит ва аскарларигина эмас, хотин-кизлар, болалар хам қаҳрамонона кураш олиб бораётганилиги, истиклол олий неъмат эканлиги Бухоро халки томонидан чукур идрок килинган. Мухими шуки, ўз мустакиллиги йўлида кураш олиб бораётган Бухоро Республикаси харбий ва моддий жихатдан Туркияга ёрдам беролмаса хам, унинг озодлигини бутун вужуди билан кўллаб-кувватлаётганилиги аник эди.

Туркияга олиб борилган совгалар орасида юкорида кайд килинган, шахсан Мустафо Камол пошога аталган олтин дастали килич билан бирга бир сира кўрк (бухороча сарупо) ва яна икки киличнинг топширилиши юкоридаги фикримиз тўғрилигини тўла исботлайди. Мустафо Камолга ва унинг шонли гозий (голиб) армиясига аталган киличлар жасоратга чорлаб, порлок галабага кадар рухан тетик бўлишга даъват килиши ўз-ўзидан аён эди. Икки киличдан бири қаҳрамон Исмат пошога хадя этилган. Юнонлар истило килган Измирни озод килишда алохида жасорат кўрсатган ва шахарга душман мудофаасини биринчи бўлиб ёриб кирган отлик кўшин зобити Шерифбейга Бухородан юборилган учинчи килич насиб этади. Уни Мустафо Камолнинг ўзи Шерифбей белига такиб кўйган . Мустафо Камол ушбу совгаларни Бухоро вакилларидан кабул килиб олар экан, аждодлари юрти Туркистонга эътиқоди юксаклигини ўз нуткида ошкор этиб миннатдорчилик туйгуларини баён килади. Эҳтимолки, ўша оғир дамларда беш миллионли буҳороликларнинг маънавий кўллаб-кувватлаши Мустафо Камолни Туркия озодлиги курашидаги катъиятига бир кадар мадад бергандир. Зероки, у аждодлар юрти Туркистонга, яъни илдизга умид кўзлари билан караган. Чунки илдиз кўкартувчи, яшнатувчи ва юксакликка элтувчи, илҳом берувчи омилдир. Бежиз бу улут инсон «биз хам Туркистоннинг жужукларимиз (болаларимиз)» демагандир.

«Бухоро ахбори» газетаси «Шарқ дунёси» рукни остида Туркияning истиклол йўлидаги галабаларидан илҳомланганлиги билан боғлик бўлган маколалар эълон килади.

Маколалардан бирида: «Европа жаҳонгирларининг харакатига махкум этилганлиги учун Эрон, Афғонистон, Усмонли(Туркия), Арабистон, Туркистон, Бухоро, Хоразм ва ислом ўлкалари бир-бирлари билан хамсоя бўлгонлари холда мустакил бир иттиход (иттифок) вужудга келтириб, ўзларининг истиклолиятларини муҳофаза килиб биладурлар. Агарда бу хукуматлар орасинда иттифок вужудга келса, ул вактда факат ислом оламининг эмас, балки бутун Шарқ миллатининг Гарбий Европа занжири асоратидан халос бўлиши мукаррар» ,каби сатрларни ўқиймиз.

Туркияning Англия сингари кудратли давлатларга карши Ватан мустакиллиги ва химояси учун кураши газетада жасорат баробар баҳоланиб, унга маънавий ва моддий ёрдам беришга даъват килувчи талайгина маколалар бор. 1921-1922 йилларда Бухоро хукумати камолчилар инкилоби галабаси учун хам моддий, хам маънавий ёрдам

берганлиги билан боглик маълумотлар мавжуд.

Муҳожир ўзбеклар билан шахсий мулокотлардан Истамбул инглизлар кўлига ўтган бир даврда (1920 йил) юртдошларимиз Анкарага, яъни Мустафо Камол хукумати ва харбий кисмлари учун бу шахар оркали яширин равишда моддий ва харбий мадад сифатида озик-овкат ва курол-ярог юбориб, Туркия истиклолига муносиб хисса кўшганликлари хам бизга маълум.

«Бухоро ахбори»да «Инкилобий Туркияга ёрдам керак» маколаси босилиб: «Биз Туркияни озодлик йўлида кураш майдонига кириб, 200-300 кишилик аскарий фирмаларда кўмандонлик килган турк хотинларини хам мухорабада кўрдик... Туркия халкининг биздан бошка дўстлари ва хайриҳоҳлари йўқдур, Туркияга ёрдам кўрсатмак ва шунинг билан турк халкига рух бермак бизнинг карзимиздур» , деб ёзилади.

Газетада Туркия миллий мустакиллигини тўла таъминлаш йўлида хар кандай курбонлар беришга тайёр эканлиги, халкаро анжуманларда ўз иззат-нафсини химоя килаётганлиги билан боглик фикр-мулоҳазаларга бой маколалар эълон килинган. Туркияning сиёсий, иктисадий, маданий хаёти билан боглик хабарларга салмокли ўрин ажратилган.

Жумладан, «Шарқ дунёсида Туркия: Миллат Мажлисига кимлар сайланди?», «Туркия-Польша шартномаси», «Туркияда Албания хайъати», «Туркияда янги Америка ширкати», «Туркияда Миллий Мажлис очилди», «Туркия хукуматининг Шимолий Америка Жумхуриятига мурожаати», «Туркия-Арманистон муносабатлари», «Истамбул бўшатилди», «Туркияга мутахассисларни жалб килиш», «Туркия урушга карор берган» , каби ўнлаб хабар ва маколалар мавжуд.

«Бухоро ахбори»да Туркия Республикасининг биринчи президенти, камолчилар инкилобининг ташкилотчиси ва раҳбари, йирик давлат арбоби, XX аср буюк шахслари каторидан муносиб ўрин олган Мустафо Камол пошо (1881-1938, 1923-1938) шахсияти хамда фаолиятига boglik bir kator makolalar chop etilgan. Hatto «Озод Бухоро» газetasinинг 11(224)-сонида Мустафо Камолнинг киёфаси акс ettiirlgan. Газета билан танишар эканмиз, «Инкилобий турк аскарларининг бошлиги қаҳрамон - Камол пошо», «Мустафо Камол-Миллат Мажлиси раиси», «Мустафо Камол пошо- Жумхурраис», «Мустафо Камол пошо ва совет раҳбарлари» , каби йирик маколаларда бу шахснинг хаёт йўли, сиёсий фаолияти, харбий кўмандонлик маҳорати, Туркистонга муносабати атрофлича баён килинади. Бу эса Туркиядаги ижтимоий-сиёсий жараёнларнинг Бухоро Республикаси матбуоти оркали батафсил ёритилиши билан boglik.

«Хозирда,-дейилади газетада,- Камол пошо турк халки тарафидан эътироф этилган бошлиқ ва Туркия халкининг кимматли раҳбари... Шуни хам айтмок керакдурким, асрлар бўйича бир-бирига катта душмон булиб яшагон Россия ва Туркия муносабатлари хозирда Камол пошо сиёсати соясинда ижобийдур».

Бу ўринда Россия ва Туркияning XVII-XIX асрларда ўзаро душманлик кайфиятидаги муносабатларидағи асрий карама-каршиликлар, худудий можароларни бартараф кила олган, ўз мамлакати манфаати йўлида ракиб билан хам тил топиша оладиган дипломат, давлат арбоби сифатида Мустафо Камолга юкори баҳо берилганини идрок килиш кийин эмас.

Газета маколаларидан бирида: «Мустафо Камол пошо насл жихатидан бир майда хунарманднинг боласи бўлиб, ёши 52 теграсинчадур (атрофидадир)» ,деб ёзилган маълумотни ўқиймиз. Аслида бу хакикатдан йирокрок бўлиб, Мустафо Камол 1881 йил 10 ноябрда Юнонистоннинг Салоника шаҳрида таваллуд топган. Отаси Али Ризо Афанди ўрмон махсулотлари савдоси билан шугулланган, кейинчалик божхона

чиновниги лавозимида ишлаган. Онаси Зубайдахоним Файзуллох Ока кизи хам бадавлат оиланинг фарзанди бўлган. Мустафо Камолнинг асл исми Мустафо бўлиб, Камол деган номни ўта кобилиятли бўлганлиги учун унга 14 ёшида мактабдаги математика ўқитувчиси берган. Демак, Мустафо Камол биринчидан, хунарманд оиласида дунёга келган эмас, иккинчидан эса, газетада таъкидланганидек, 1922 йилда 52 ёшда эмас, балки 41 ёшда бўлган. Холбуки, Мустафо Камол Отатурк вафот этганида, яъни 1938 йилда 57 ёшида бўлган.

Мустафо Камол Отатурк жасур ва бошлаган ишини охирига етказадиган шахс эди. У Туркия истиклонини ярим йўлда колишини истамаган, харбийларга хос катъиятли киши бўлганлиги хам манбаларда кайта-кайта таъкидланади. «Биз ортиқ курбонлар бера олмаймиз, имтиёзли музокараларнинг давом этиши бизнинг миллий шаънимизга нуксон келтирадур. Туркия асоратга караганда урушни ортиқ кўрадур хамда шуни давом эттирмок учун Туркия сўнгги конига кадар урушга карор килди», деб ёзилади «Мустафо Камолнинг баёноти»да. Бу ўринда токим Лозанна конференцияси (Швейцария, 1923 йил 24 июл)га кадар Туркия мустакиллигини тўла тан олмаслик учун харакат килаётган Англия, Франция вакилларига ватанпарвар раҳбарнинг муносиб жавобининг гувохи бўламиз.

Тарих гувохлигича, факатгина Лозанна конференциясида Антанта давлатлари Туркияning мустакиллигини тан олиб, нотенг шартномаларни бекор килишга мажбур бўлишган эди.

Туркияning муносиб йўлбошчиси ва давлат раҳбари Мустафо Камол Отатурк шахсияти «Бухоро ахбори»да фаолият олиб борган ижодкор мухбирларнинг хам диккатини тортган. Газетанинг 1922 йил 19 октябридаги 103-сонида Мустафо Камол пошони олкишлаб «Минглар яша!» газали босилган. Мазкур газалнинг муаллифи Х.Олмош бўлиб, унинг газалидан:

«Эй, фидоий Камол пошо
Рахбарисан мазлумларнинг
Нажоткори шарклиларнинг

Аскарингла минглар яша-минглар яша!» каби сатрларни ўқиймиз.

«Бухоро ахбори» газетаси Туркия ва Бухоро хамкорлик, кардошлик алокалари XX аср 20-йилларида ривожланганлиги, янги погонага кўтарилганлиги хакида маълумот берувчи кимматли манбалардан биридир. У хакикатдан хам «Шарқ дунёси ва Бухоро Республикаси» тарихий тадқикот муаммосини келажакда хал килиш манбаларидан бири бўла олади. Камол пошо шахсияти масаласига келсак, айни унинг хаётлигига туркий халклар орасидаги хурмат-эҳтироми кандай бўлса, хозирда хам ундан баланддир. Мустафо Камол бошчилигига турк халки галабага эришди. Шарқ дунёсида биринчи бўлиб Туркияда республика тартиби ўрнатилди. Камолчилар таълимоти ўзини оклади ва хакли суратда 1934 йилдан эътиборан турк халки ўз йўлбошчисига Отатурк (Турклар отаси) унвонини берди.

XX аср буюк шахслари каторидан Мустафо Камол номи мустахкам ўрин олди. Мустафо Камол Отатурк билан Бухоро Республикаси вакиллари учрашган тарихий санадан хам юз йилликнинг 4-чораги ўтиб бормокда. Туркия халки Отатурк номини абадийлаштириш учун унинг жасади кўйилган пойттахт Анкарада этнография музейини ташкил килишган.

Музейда Мустафо Камол Отатурк хаёт йўли ва фаолияти билан бөглиқ юзлаб асори-атикалар, буюмлар, китоб ва нашрлар, харбий кийим, курол-ярог кабилар кўйилган. Улар орасида бухороликлар томонидан Туркия раҳбарига хадя килинган

нишонлар ва буюмлар хам бор. Бу эса халкларимиз ўртасидаги синовдан ўтган мустахкам кавм-кариндошликтар, олтин сингари зангламас дўстона алокаларнинг умрбокийлигидан далолатдир.

Республикамиз истиклолга эришган дастлабки кунларда Мустафо Камол васиятига содик бўлган камолчиликнинг 6-боскичида ривожланиш йўлидан кетаётган Туркия ва унинг мархум президенти Тұргут Озал юртимиз келажагига ишонч билан каради ва бизни 1991 йил 16 декабрда расмий жихатдан биринчи бўлиб тан олган давлат хам Туркия Республикаси бўлди.

Туркия Республикаси шаклланмаган, «Анкара хукумати» мавжуд бўлган йилларда бу юрт мустакил бўлишига ишонч билан караган Бухоро хукумати кўрсатган катъият ва ишончни салкам бир асрча вакт ўтганидан сўнг Туркия хам Ўзбекистон келажаги олдида масъуллигини англаши табиий эди.

Хозирда халкаро муносабатлар зиддиятли, мураккабликларга тўла, хуллас, кандай бўлишидан катъий назар Ўзбекистон жаҳон хамжамиятида ўз ўрни, мавкеи ва салохиятига эга бўлган мамлакатдир.

Турклар йўлбошчиси ва раҳнамоси шахси билан бөглиқ масалага баҳо берганда эса президентимиз И.Каримовнинг «Мустафо Камол Отатурк нафакат кардош турк халкининг, балки барча туркий халкларнинг буюк фарзанди ва ифтихоридир», -деган фикрлари айни хакикатдир.